

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 44. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj 3/19) i Programa utroška budžetskih sredstava i Plan korištenja sredstava posebne naknade za zaštitu i spašavanje za 2019. godinu u Zeničko-dobojskom kantonu, broj: 16-14-2542/19 od 09.05.2019. godine, na prijedlog Kantonalne uprave civilne zaštite, Vlada Zeničko-dobojskog kantona, na 27. sjednici, održanoj dana 31.10.2019. godine, d o n o s i

ODLUKU

o odobravanju sredstava na ime pomoći općini Zavidovići radi saniranja šteta nastalih prirodnim nepogodama

Član 1.

(Predmet)

Odobravaju se sredstva općini Zavidovići za prevenciju i sanaciju klizišta i infrastrukture na području općine Zavidovići u iznosu od 100.000,00 KM (slovima: stotinu hiljada konvertibilnih maraka) iz sredstava Budžeta za 2019. godinu, na ime jednokratne novčane pomoći za sanaciju šteta nastalih tokom prirodnih nesreća poplava, klizišta i drugih prirodnih nepogoda.

Član 2.

(Analitička konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sa razdjela 14, budžetska organizacija 01, potrošačka jedinica 0001, ekonomski kod 615100 - kapitalni transferi drugim nivoima vlasti, funkcionalna klasifikacija 320 (redovna budžetska sredstva).

Član 3.

(Plaćanje)

Sredstva iz člana 1. ove odluke uplatit će se na depozitni račun općine Zavidovići, a koristit će se za namjene utvrđene u članu 1. ove odluke.

Član 4.

(Izvjestavanje)

Zadužuje se općina Zavidovići da izvještaj o utrošku odobrenih sredstava iz člana 1. ove odluke dostavi u roku od 180 dana od dana stupanja na snagu ove odluke Vladi Zeničko-dobojskog kantona, putem Kantonalne uprave civilne zaštite.

Član 5.

(Realizacija odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-16273/19

Datum, 31.10.2019. godine

Z e n i c a

PREMIJER

Mirza Ganić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Općina Zavidovići, putem KUCZ

1x „Službene novine Zeničko-dobojskog kantona“,

1x a/a.